

Popunjavanje dva poslanička mjestu u prelaznoj Skupštini Brčko Distrikta

S ciljem da se ponovo uspostavi puni sastav prelazne Skupštine Brčko Distrikta od 29 poslanika i da se osigura adekvatna zastupljenost različitih etničkih grupa Distrikta, v.d. supervizora za Brčko, Gerhard Sontheim, poziva političke stranke da na razmatranje dostave spiskove kandidata sa odgovarajućim kvalifikacijama, koji će biti u službi Brčko Distrikta i njegovih stanovnika u skladu sa najvišim standardima obavljanja dužnosti i odgovornosti. Spiskovi ne treba da sadrže više od dva kandidata. Kvalifikovani kandidati koji mogu konkretno pokazati da, kao nezavisni kandidati, zastupaju interese znatnog broja stanovnika Brčkog, takođe se pozivaju da se prijave na mjesto poslanika.

Da bi bili razmatrani, kandidati moraju biti stanovnici Brčko Distrikta i moraju ispunjavati uslove propisane Statutom Brčko Distrikta i Kodeksom o sukobu interesa za poslanike Skupštine Brčko Distrikta. Lica koja nezakonito zauzimaju tuđu imovinu neće se uzeti u razmatranje.

Prijava treba da sadrži ličnu i radnu biografiju kandidata (jedna strana), izjavu o tome koga predstavljaju i razlog zbog kojeg žele biti u Skupštini (jedna strana), te informaciju o stambenoj situaciji kandidata.

Prijave dostaviti u OHR Brčko do srijede, 10. decembra 2003. godine, do 17:00 sati.